



Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 13. Instauratio disciplinæ monasticæ.

[urn:nbn:de:hbz:466:1-66268](#)

cilium mandat, ut illorum filii ad tertiam Sæcul. XIII.
usque generationem nec ad beneficia, A.C. 1238.
nec ad sacros Ordines admittantur. Præ-
cipit quoque, ut ii Domini, qui per anni
spatum in anathemate permanserint, re-
nuncientur hæretici, eorumque bona fi-
sco addicantur.

c. 17.

§. XfII.

Instauratio disciplinæ monasticæ.

In Anglia etiam Otto Legatus monachis
e solutiore disciplina veterem ad san- Matth. Par.
ctimoniam revocandis studebat. Cun- p. 401.
tos Abbates Ordinis nigri, scilicet S.Ben-
nedicti Londinum petere, ibique in tem-
plo S. Martini audire decreta jussit a
Summo Pontifice post maturam delibe-
rationem ad instaurandum Ordinem mo-
naisticum facta. Inhibebant eosdem er-
rores, quos Concilium Conacense damna-
vit, & insuper continebant ea, quæ se-
quuntur. Nemo deinceps admittetur ad
professionem ante vigesimum ætatis an-
num completum, nec ad sacrum tiroci-
num ante decimum nonum. Post an-
num probationis novitus quamprimum
vota nuncupabit, aut dimittetur; sin mi-
nus, professis annumerabitur. Pro ad-
missione nihil exigetur, nec ulla pactio
fiat. Rei œconomicæ curatores admi-
nistrationis suæ rationem Superiori sal-
tem

Sæcul. XIII.
A.C. 1238.

tem ter quolibet anno, ac residuum bona fide reddent. Silentium locis ac temporibus a regula notatis semper servabitur. Generalis in Anglia concilii (Londinensis) statutum de abstinentia carnium nunquam violabitur. Monachorum vestes ac lecti ad regulam erunt conformati: non gestabunt lintea, & eodem cœnobii loco dormient. Cunctis Ecclesiastici pensi partibus, præsertim ultimæ, ac publicæ lectioni spirituali intererunt. Hospitalitatem suaviter & amanter exercebunt. Cum regula constitutiones Summorum Pontificum huc pertinentes, atque in collectione Gregorii IX contentas describi curabunt, & sollicite condiscant. Hæ constitutiones postea percensentur. Matthæus Paris ipsem et Monachus niger huic relationi subjungit, Abbates a Legato congregatos hanc instaurationem velut e cœlo delapsam concorditer recepisse, in cunctis conventibus suis jussisse promulgari, ejusque violatores rigide castigasse.

p. 406.

M. Paris.
p. 396.

§. XIV.

Legatus Oxonii offenditur.

Otto Legatus Oxonii magno honore, ac in proxima urbi Abbatia Ofneina Canonicorum Regularium Ordinis S. Augustini hospitio excipiebatur. A. 1238. cades.